

Visoki predstavnik posjetio OSA-u



U sklopu posjeta ključnim akterima sigurnosnog sektora u BiH, visoki predstavnik Valentin Inzko danas se sastao s generalnim direktorom Obavještajno–sigurnosne agencije BiH (OSA) Almirom Džuvom u središtu te agencije u Sarajevu.

Visoki predstavnik je pozdravio stalni napredak u razvoju agencije. OSA je osnovana nakon reforme ranijih obavještajnih službi u BiH, kojom su u obavještajni sektor uvedeni moderni standardi, uključujući i demokratsku kontrolu. Ova reforma je predstavljala veliki napredak za BiH i njene građane. “Uprkos brojnim izazovima i osjetljivim pitanjima, reforma obavještajnog sektora i dalje predstavlja uspjeh”, rekao je visoki predstavnik Inzko.

OSA blisko surađuje s velikim brojem regionalnih i međunarodnih partnera u vezi s brojnim važnim pitanjima, uključujući borbu protiv terorizma i organiziranog kriminala.

Visoki predstavnik je također pozdravio činjenicu da je suradnja među akterima na polju sigurnosti u BiH stalno na visokom nivou. “Informacije koje ova agencija prikuplja moraju se iskoristiti što je moguće efikasnije”, rekao je Inzko. “Vlasti moraju nastaviti razvijati uspjeh učinkovitog pristupa koji podrazumijeva uključivanja više agencija, uključujući OSA-u, SIPA-u te policiju i tužilaštva, kako bi se efikasno borili protiv kriminala i korupcije te pomogli da se umanje sigurnosne prijetnje građanima ove zemlje, kao i regionu”.